

# Саальчнрин диилвр

Сарпинск района, „Гигант“ колхозин 6-ч номертә МТФ-н саальчнр малас гардгәдл-ууш-иг элвджәхин эрkd шундж кәдлджәцхәнә.

Нидн джилд укрмуд болгъ-нас 1200 килограмм ус саадж авх болдж әдн даалгъвр авцхала. Саальчнр дундас Серова Евдокия кеджәх кәдлмштән шундж, укр болгънас 1478 килограмм ус саадж авад, зура деерән немур 3612 килограмм ус государствд белглад, фермдән турун орм эллә. Дарук орминь эзлсн Толочко Павлина. Эн саальч укр болгънас 1451 килограмм ус саадж, 3266 килограмм ус авла.

„Мах, тос, ус гаргългъар Америкин Соединенн Штатсиг әбрхн джилмудин эргид куцдж авхми“ гисн КПСС-н ЦК-н бон СССР-н Министрмудин Советин бичгиг ик әргмджтә-

гъәр тосцхадж, 1958 джилд саальч болгън 18.200 литр ус авх болдж даалгъвр авцхав.

Турун әрәл джилә соцдәрлдәнә аш диглгдв. Кесг саальчнр икдиилвр бәрцхәв. Нидн джил Серова Е. турун орм эзлсн болхла, әврәнн кәдлмшин дамшлтан цаарандн гүүдүлдж медсн тәләдән эн джилд Толочко Павлина диилвр бәрдж, негдгч ормд йовна. Джилин турун әрәлд 11600 килограмм ус эн саадж авв.

Саальч Пашенко энунәс холд үлдж йовхш, зургъан сарин эргид хәләджәсн укрмудәсн 11413 килограмм ус эн саав. Саальч Серова 10.400 килограмм ус саагъад, гурвдгч орм эзлв. Саальч Андропова А. чигн әднәс үлгүр авч, әрәл джилә зурагъан куцәв.

ӘЛДАН Әрдни.